

Ekonomski fakultet Brčko organizovao IX Međunarodnu konferenciju o perspektivama partnerstva vlasti, privrede i institucija obrazovanja

Izloženo više od 60 naučnih i stručnih radova

Ekonomski fakultet Brčko Univerziteta u Istočnom Sarajevu 6. i 7. novembra 2023. godine organizovao je Devetu međunarodnu konferenciju pod nazivom „Perspektive partnerstva vlasti, privrede i institucija visokog obrazovanja u podsticanju ekonomskog razvoja”, čija je ovogodišnja tema „Savremeni izazovi u poslovnom, društvenom i obrazovnom ambijentu”.

U okviru konferencije, održana je plenarna sesija i tri paralelne sekcije. Za konferenciju su pristigli radovi iz Bosne i Hercegovine, susjednih zemalja, ali i država u kojima se nalaze partnerski i prijateljski fakulteti, odnosno iz Litvanije, Rusije, Turske i Kine.





Sagledavši aktuelne izazove i šanse u poslovnom, obrazovnom i institucionalnom okruženju, rukovodstvo ove visokoškolske ustanove u Brčkom zaključilo je da pažnju akademske i stručne javnosti u ovom trenutku zavređuju dva fenomena – cirkularna ekonomija i dualno obrazovanje, čemu su i bili posvećeni pristigli radovi za konferenciju.

Na plenarnoj sesiji, prezentacije su održali: prof. dr Hagen Hochrinner iz Austrije sa temom “Izazovi u visokom obrazovanju u izazovnim vremenima” (The challenges in (higher) education in uneasy/challenging), prof. dr Ursula C. Göz govorila je o važnosti privrede i javnih institucija za dualno visoko obrazovanje (The important role of corporate and institutional partners in dual higher education), prof. dr Ixaka Egurbide Lekube iz Španije predstavio je pionirsko iskustvo njegove države u dualnom inženjerskom poduhvatu (IMH Campus: Pioneering experience in dual engineering), zatim, prof. dr Elvir Čizmić sa Ekonomskog fakulteta u Sarajevu govorio je o “Uticaju digitalizacije na oblikovanje radnih mjesta kroz koncept hibridizacije” (koautori rada su prof. dr Elvir Karajbić i prof. dr Rifet Đogić) i prof. dr Stevan R. Stević sa Ekonomskog fakulteta Brčko predstavio je rezultate istraživanja „Ostati ili otići iz Bosne i Hercegovine“.

Konferencija je nastavljena sa tri paralelne sekcije – Dualno obrazovanje, Cirkularna ekonomija i Ekonomija danas i sutra.

“Cirkularna ekonomija predstavlja model proizvodnje i potrošnje kojim se produžava životni vijek proizvoda dijeljenjem, popravkom i reciklažom postojećih materijala, te predstavlja drugačiji pogled na proizvodnju i potrošnju u odnosu na klasični, linearni ekonomski model. Cilj je smanjenje otpada i racionalnije korišćenje ograničenog pristupa zalihama i sirovinama.



Dualno obrazovanje je model prema kojem studenti stiču teoretsko znanje, dok praktično znanje i vještine stiču na osnovu rada u privredi. Na taj način se pronalazi formula za usklađivanje različitih interesa studenata, visokoškolskih institucija i preduzeća iz realnog sektora. Svrha ideje dualnog obrazovanja je da studenti steknu znanja i vještine koji pozitivno utiču na smanjenje nezaposlenosti svršenih studenata, te na skraćenje vremenskog perioda između završetka školovanja i pronalaska zaposlenja”, kažu na Ekonomskom fakultetu u Brčkom.

Na sekciji Dualno obrazovanje prezentovano je 12 naučnih radova, na sekciji Cirkularna ekonomija 24, a na sekciji Ekonomija danas i sutra 20 naučnih radova iz Bosne i Hercegovine i zemalja regiona.

“Cilj konferencije, sa fokusom na ova dva fenomena, bio je razmjena ideja, metoda i iskustava u svrhu primjene u širem području ekonomskog i društvenog života. Zaključci Konferencije pružice polaznu osnovu za kreiranje ambijenta u kojem se pojačava veza između visokoškolskih institucija, preduzeća iz realnog sektora i institucija vlasti“, ističu na Ekonomskom fakultetu Brčko.

Prihvaćeni i pozitivno recenzirani radovi biće objavljeni u Zborniku radova Konferencije ili u časopisu „Zbornik radova Ekonomskog fakulteta Brčko”.

Ekonomski fakultet konferenciju je realizovao uz podršku i u saradnji sa Fakultetom za hotelijerstvo i turizam Vrnjačka Banja, Ekonomskim fakultetom u Beogradu, Ekonomskim fakultetom u Subotici, ”Perm State Agro-Technological University Russia”, ”Voronezh State Agricultural University Russia”, ”Aleksandras Stulginskis University, Faculty of Economics and Management” u Litvaniji, ”Selçuk University Konya-Turkey” i ”Shanghai Polytechnic University”, a ni ove godine nije izostala podrška institucija vlasti Brčko distrikta Bosne i Hercegovine, koje imaju dugogodišnju saradnju sa ovom visokoškolskom ustanovom.



Zasijedanjima su prethodili pozdravni govori i dodjela zahvalnica i plaketa zaslužnim pojedincima i organizacijama. Prisutne su u ime Vlade Brčko distrikta BiH pozdravili gradonačelnik Brčko distrikta BiH i zamjenik gradonačelnika prim. dr Zijad Nišić i dr Anto Domić, šef Pododjeljenja za visoko obrazovanje u Vladi Brčko distrikta BiH dr Aleksandar Maksimović i dekan Ekonomskog fakulteta prof. dr Srđan Lalić.

Dekan Lalić je zaslužnim pojedincima i organizacijama, koji su na bilo koji način podržali održavanje ove značajne naučne konferencije, uručio zahvalnice i plakete. Među njima su, u prvom redu, gradonačelnik Zijad Nišić, predsjednik Skupštine Siniša Milić, glavni koordinator Vlade Brčko distrikta BiH Željko Antić, Odjeljenje za prostorno planiranje i imovinsko – pravne poslove, direktor Bolnice Brčko Đorđe Lazić, JP “Radio Brčko”, Bimal d.d., Antunović d.o.o., Termoelektro d.o.o., Nova Banka a.d. Banja Luka, Gas Petrol d.o.o., Pajić Vinarija, Knjigovodstveni biro Bečić i Knjigovodstveni biro MP Đurić.



Za sve goste i učesnike konferencije organizovana je i zajednička svečana večera u restoranu Vinarije Pajić, koju su, svojim nastupom, uljepšali članovi SPKD "Prosvjeta" Brčko, prikazavši narodne običaje Posavine, što je gostima iz inostranstva bilo posebno interesantno. Na ovaj način ponijeli su iz našeg grada i dio kulture i tradicije Sjeverne Bosne.



Osim što je za ovu naučnu konferenciju veliku zainteresovanost iskazala naučna zajednica, značajno je istaći da je velika podrška došla i od privrede i institucija Brčko distrikta BiH, čime je konferencija opravdala svoju inicijalnu namjeru – da spoji poslovni, društveni i obrazovni ambijent. Zaključci konferencije sigurno će poslužiti unapređenju dostignuća u ovim oblastima i njihovoj čvršćoj sponi, jer bez obrazovanog kadra, jake privrede i uređenih institucionalnih propisa nema razvoja i napretka jedne društvene sredine.

Album konferencije možete pregledati na [facebook stranici fakulteta](#).